

2013-2014 Mga Katanungan at Kasagutan

Pangkalahatang Impormasyon at Pag-apply

T: Ano ang College Bound Scholarship Program?

S: Isa itong maagang kasunduan ng tulong pampinansyal para sa mga mag-aaral sa ika-7 at ika-8 baitang na may mga pamilya na hindi kayang magbayad para sa kolehiyo. Ang Scholarship ay isang programang pinondohan ng estado na pinangangasiwaan ng Washington Student Achievement Council (ang Council).

T: Ano ang Panata ng Mag-aaral?

S: Bilang isang mag-aaral ng College Bound, namamanata kang:

- Maging mahusay sa middle school at high school, at magtapos na may pinagsama-samang grade point average sa high school na 2.0 o mas mataas sa isang 4.0 scale.
- Maging mabuting mamamayan sa paaralan at sa iyong komunidad, at hindi mahatulan ng isang krimen.
- Mag-apply para sa tulong pampinansyal sa pamamagitan ng pagtapos sa Free Application for Federal Student Aid (FAFSA) sa isang napapanahong paraan kapag mag-a-apply ka para sa kolehiyo.

T: Gaano kalaki ang ibibigay ng Scholarship?

S: Sasanib ang College Bound Scholarship sa iba pang tulong pampinansyal ng estado upang matugunan ang average na tuition (sa maihahambing na mga pampublikong kolehiyo), ilang bayarin, at isang maliit na allowance na para sa mga aklat. Malaki ang posibilidad na mag-alok ng karagdagang tulong pampinansyal para sa mga gastusin sa kolehiyo maliban sa tuition. Maaaring nasa anyong federal grant, work-study, scholarship at pautang ang karagdagang tulong na ito. Matatanggap mo ang iyong Scholarship sa pamamagitan ng iyong kolehiyo o university bilang bahagi ng iyong kaloob na tulong pampinansyal.

T: Saan ko magagamit ang College Bound Scholarship?

S: Maaari kang makakuha ka ng isang naaprubahang certificate o degree sa isang pampublikong community o technical college, pampublikong four-year institution, isang naaprubahang independent na kolehiyo o university, o pribadong career school sa Washington na kalahok sa Washington State Need Grant program. Para sa isang kumpletong listahan, pumunta sa www.collegebound.wa.gov

T: Paano ako magsa-sign up?

S: Dapat matapos at lagdaan mo o ng iyong magulang o legal na tagapangalaga ang College Bound Scholarship application bago sumapit ang Hunyo 30 sa katapusan ng iyong taon sa ika-8 baitang.

Maaari kang mag-apply online o humiling ng application sa papel sa www.collegebound.wa.gov. Ligtas, mabilis, at tumpak ang online application. Kinakailangan ng alinmang application na ipadala mo ang pahina ng paglagda sa Council.

T: Kailangan ko ba ng Social Security number (SSN) upang makapag-apply?

S: Hindi mo kailangan ng SSN kapag mag-a-apply ka para sa College Bound sa middle school. Kung mayroon ka ng SSN, ilagay ito sa application; kung wala, gamitin ang iyong State Student Identification Number. Hilingin ang numerong ito mula sa iyong paaralan o hanapin ito sa iyong mga marka ng Measure of Student Progress (MSP).

Kapag mag-a-apply ka para sa kolehiyo, dapat mong tapusin ang FAFSA. Sa panahong iyon, dapat isa ka nang U.S. citizen o eligible non-citizen upang matanggap ang College Bound Scholarship.

T: Maaari bang mag-apply ang mga karapat-dapat na mag-aaral na naka-home-school at nasa pribadong paaralan?

S: Oo. Isulat ang pangalan ng iyong paaralan o “home school” bilang pangalan ng paaralan.

T: Paano ko malalaman kung tinanggap ng Council ang aking application sa College Bound Scholarship?

S: Makakatanggap ka ng isang certificate sa loob ng 4 na linggo pagkatapos magsumite ng isang kumpletong application. Kung hindi ka makakatanggap, mangyaring tumawag sa 1-888-535-0747 o mag-email sa collegebound@wsac.wa.gov.

T: Paano naaapektuhan ng panatang “Maging mabuting mamamayan sa paaralan at sa iyong komunidad, at hindi mahatulan ng isang krimen” ang aking College Bound Scholarship?

S: Hindi ka na magiging karapat-dapat na tumanggap ng Scholarship kung mahahatulan ka ng isang krimen.

Kita ng Pamilya at Pampinansyal na Pagiging Karapat-dapat

T: Gaano dapat kalaki ang kinikita ng pamilya upang makapag-apply para sa College Bound Scholarship?

S: Karapat-dapat kang mag-apply kung natutugunan mo ang isa sa mga kinakailangang ito:

- Karapat-dapat ka para sa pederal na programa na free- o reduced-price lunch.
- Tumatanggap ang iyong pamilya ng mga benepisyo sa pangunahing pagkain/TANF.
- Ikaw ay nasa foster care o isang dependent ng estado.
- Natutugunan ng iyong pamilya ang mga pamantayan sa kita (tingnan ang chart ng kita sa application).

T: Kung mas malaki sa pamantayan sa kita ang kinikita ng aking pamilya, maaari pa rin ba akong mag-apply?

S: Paumanhin ngunit hindi. Para sa iba pang paraan upang makapagbayad para sa iyong pag-aaral sa kolehiyo, bisitahin ang www.readysetgrad.org.

T: Paano ko malalaman kung gaano kalaki ang kinikita ng aking pamilya?

S: Ang kita ay tinutukoy ng mga tuntunin ng USDA sa free- at reduced-price lunch bilang anumang pera na paulit-ulit na natatanggap kabilang ang gross earned income. Ang gross earned income ay ang lahat ng kinitang pera bago ang mga pagkaltas (mga income tax, Social Security tax, insurance premium). Ang kita ang kinabibilangan ng ngunit hindi limitado sa:

- Mga suweldo, tip, komisyon
- Danyos para sa Kawalan ng Trabaho at Mga Manggagawa
- Suporta at sustento sa bata
- Mga benepisyo sa Social Security, kapansanan, at pagiging beterano, Supplemental Security Income

- Net na kita mula sa pagpaparenta, pera mula sa mga ipon, regular na ambag mula sa mga taong nakatira sa iba

Kabilang sa laki ng pamilya ang lahat ng pinananagutan ng iyong magulang o legal na tagapangalaga at binibigyan ng higit sa kalati ng kanilang suporta.

T: Paano kung hiwalay/divorced ang aking mga magulang o nakikitira ako sa iba?

S: Alinsunod sa mga tuntunin sa free- at reduced-price lunch, kung divorced o hiwalay ang iyong mga magulang, karaniwan kang bahagi ng sambahayan ng magulang na nangangalaga sa iyo. Kung kapwa ka naninirahan kasama ang bawat magulang at natutugunan ng isang magulang ang pamantayan sa kita, karapat-dapat ka. Kung naninirahan ka kasama ng ibang kamag-anak o kaibigan ng pamilya, itinuturing kang bahagi ng sambahayang iyon.

T: Ano ang kinakailangan sa kita upang matanggap ang Scholarship kapag nakapagtapos na ako ng high school?

S: Ibabatay sa iyong FAFSA, na dapat mong tapusin sa isang napapanahong paraan kapag mag-a-apply ka para sa kolehiyo, ang iyong pagiging karapat-dapat para sa Scholarship. Dapat pumasok ang kita ng iyong pamilya sa 65% ng median ng estado sa kita ng pamilya. Kung mayroong mga tanong ang iyong pamilya, makipag-ugnayan sa opisina ng tulong pampinansyal ng kolehiyo na binabalak mong pasukan.